

Kiwanis Club of Aruba ta presenta Kamishibay pa kleuterschool



ORANJESTAD (AAN): Recientemente Kiwanis Club of Aruba a presenta un proyecto nobo pa nos muchanan cu e nomber Kamishibay.

Kamishibay ta un arte di contamento di storia na un grupo di muchanan cu a origina na Japon. Ora un maestro den klas kier conta un storia for di un buki di mucha (prentenboek), constantemente e ta struggle pa muestra e muchanan e pintura mientras cu e lo mester lesa e texto. Ora e maestro muestra e muchanan e pintura e no por lesa e texto, y ora

e lesa e texto e no por muestra e muchanan e pintura....

Kamishibay ta split e pintura y e texto facilitando e contamento di storia na e muchanan. Riba un sheet di size A3 e pintura di e historia ta worde inprimi pa dilanti mientras cu e texto correspondiente ta worde inprimi patras di e sheet. Adicionalmente ta haci uso di un cashi di palo -un teatro- unda cu ta hinca e sheetsnan aden cu ta crea mas drama den e contamento di e historia. E resultado ta cu e grupo di muchanan sinta por wak e pintura dilanti hopi du-

delijk mientras cu e maestro tranquilamente por lesa e texto inprimi patras di e sheets. **Kico e proyecto Kamishibay di Kiwanis club of Aruba ta encera?**

Kiwanis club of Aruba lo haci un donacion di un teatro di palo y un storia riba sheets na cada un school preparatorio (kleuterschool) aki na Aruba. Den e promer edicion aki nos a kies pa adapta e buki existente Hopus - skibi pa e escritora Arubiano señora Lili-ana Erasmus - den e format di Kamishibay.

Despues, cada aña Kiwanis Club of Aruba lo sigui haci donacion di mas storia riba sheets na e schoolnan preparatorio pa asina nan tin mas variedad di storianan cu nan por conta na e muchanan. Den futuro lo evalua tambe si lo haci un donacion na e schoolnan basico banda di na e schoolnan preparatorio.

Di con e proyecto Kamishibay?

Contamento di storia ta stimula e desarollo di un mucha, vooral muchanan chiquito. Kamishibay ta un arte pa conta storia conoci den e mundo di enseñanza na Aruba y ta worde considera efectivo door di e maestronan vooral door cu e muchanan ta focus hopi bon riba e pintura. Instituto Pedagogico Arubano IPA e aña escolar pasa a hasta cuminsa pa promer biaha duna les na e studentenan pa maestro di school di con pa traha Kamishibay como un vak separa.

E problema ta cu pa e maestro no ta facil pa e mes traha e teatro ni tampoco pa e traha e sheetsnan. Tambe tin gastonan cuantioso envolvi. Dus



den practica tin un dificultad di logistica. Kiwanis club of Aruba kier facilita just den e parti esaki door di haci un donacion di teatro y storia na cada school preparatorio aki na Aruba. Cu e proyecto aki di contamento di storia llama 'Kamishibay' Kiwanis club of Aruba kier haci un contribucion na e desarollo di muchanan aki na Aruba.

Kende a contribui pa realisa e proyecto aki?

Un danki di curason ta bay na e siguiente personanan cu a contribui na e realisacion di e banita proyecto aki:

- Escritora señora Lili-ana Erasmus, autor di e buki Hopus
- E grupo di cabesante- nan di schoolnan preparatorio representa pa señora Monica

Henriette

- Miembronan di Kiwanis Club of Aruba: Shurby Ranis, Leslie Tweebloom, Norma Brinkenberg, Newton Ferguson y Ryan Kock

Kiwanis ta un organizashon global di voluntarionan dedica na cambia mundo via di un mucha y via di un comunidad cada biaha y tin como lema: sirbiendo e muchanan di mundo.

Kiwanis Club of Aruba ta activo den e comunidad Arubano desde 1964. Pa mas informacion di Kiwanis Club of Aruba y of su actividadnan por acudi na www.kiwanisaruba.org. Tambe por bishita e website di kiwanis Internacional na www.kiwanis.org.